



UN VISITA IN LE CITATE IN ITALIA

IN LE BOTECA

Venditor: 49 euros, per favor.

Julia: Io desira usar mi carta de credito, per favor.

Venditor: Io regretta. Nos non prende cartas de credito.

Julia: Oh! Ha il un bancomato in le vicinitate?

Venditor: Si, va sempre directe, pois gira a dextere. Le bancomato es la a sinistre in le muro del albergo.

Julia: Ha il anque un pharmacia in le vicinitate?

Venditor: Si, va sempre directe, le pharmacia es a sinistre, vicin al kiosque.

Julia: Multe gratias, io retornara in un momento. A que hora claude vos?

Venditor: A 19 horas, dunque le boteca es ancora aperte duo horas.

Julia: Excellente. A revider!

Venditor: A revider!

IN LE STRATA

Julia: Hm, qual esseva le direction que ille me narrava? Io non lo memora. Io debe demandar. Excusa, senior, ubi trova io un bancomato.

Senior: Un bancomato? Ah, isto es facile. Vos debe transversar le placia, pois girar a dextere, allora continua un poco directe, e post cento metros a sinistre illo es in le muro del albergo.

Julia: E illo es aperte hodie?

Senior: Hodie es mercuridi. Io pensa que si.

Julia: Mille gratias.

VICIN AL BANCOMATO

Julia: Ora io ha mi moneta – 100 euros in notas de banca. Ora io debe trovar le pharmacia ante retornar. Excusa, senioreta, ubi trova io le pharmacia?

Senioreta: Le pharmacia? Vos debe ir in iste



direction e transversar le placia sempre directe. Allora le pharmacia es a sinistre, vicin al kiosque post 50-60 metros.

Julia: Multe gratias.

ANTE LE BOTECA DE NOVO

Julia: Ora io vole vider le famose ponte del citate. Excusa me, senioreta. Pote vos adjutar me? Ubi es le Ponte Vetule?

Senioreta: Como?

Julia: Le Ponte Vetule, per favor, ubi es illo?

Senioreta: Prende le secunde strata a dextere, transversa le prime ponte a sinistre e continua directe.

Julia: Oh, pote vos repeter lo, per favor.

Senioreta: Si, naturalmente. Prende le secunde strata a dextere, transversa le prime ponte a sinistre e continua directe. Pote io accompagnar vos a illo?

Julia: No, gratias, ma multo gentil de vos.

Senioreta: Presta attention al canes!